

**MIDDLE SCHOOL
GEOGRAPHY**

PART - III

Mizoram State Archives

Accession No. 706

Date of Receipt 3/4/26

Supplier

Price


MIDDLE SCHOOL
GEOGRAPHY

PART III

By
LAL CHUNGNUNGA, B A, B I

1st EDITION

1959



Printed & Published By The KHUMA PRINTING PRESS, AIJAL

Mizoram State Archives

Acc

70C...

Date

2/4/96

C

Price

MIDDLE SCHOOL

GEOGRAPHY

PART III

By

LAL CHUNGNUNGA, B A, B T

1st EDITION

1959



Printed & Published By The KHEMA PRINTING PRESS, AIJAL.

[All Rights Reserved]

FIRST EDITION 1959 — 2,000 Copies

THUHMAHRUAI

Tûn tûm chhutah hian "Middle School Geography" hi hmanhmawh deubna avângin bu khata chhuah theih a ni ta lo va Part I & II chu bu khata chhuah a ni tawh a, tûnah hei Part III hi bu hrena chhuah a ni ta a Chhut leh hunah erawh chuan avain Part I, II & III te hi bu khata chhuah a ni tawh ang

M E School-a Syllabus rust dân ang chuan Part I (Physical and Mathematical Geography) leh Part II (India and Pakistan) hi Class V a zir rûr a ni a Tin, Class VI chuan Part I leh II ennawn leh a, chumi bâkah Part III (The World in Outline) hi zir bawh rûr a ni

Publisher-ten map an la telh remchân theih loh avângin he lehkhabu hi fankim tâwk lo hlein ka hria Mahse map lam ch'u an ngaituah mêk zel a Chhut leh hunah chuan telh a nih tawh ngei a rinawm

Dated Aijal
The 24th March, 1959

Lal Chunguanga

Minneapolis, Minn. 1911

Published by the

University of Minnesota Press

Copyright 1911 by the University of Minnesota Press

Price 1.00

PART III

THE WORLD IN OUTLINE

KAN CHÊNNA KHAWVÊL HI

Lei chung (surface) zauzia hi Sq miles 197,000,000 a ni a. Hemi hmun thuma thena hmun hnih aia tam mah hi tuiin a khuh a ni. A dang chu khawmual a ni 'Tui zau zâwng chu khawmualpui zawng zawng belh khâwm lêt hnih leh a chanve lai a ni

Khawmual chu ram bung hrang lian pui pui "Continent" an tih parukah then a ni a. Chûngte chu hêngte hi an ni— (1) Asia (2) Europe (3) Australia (4) Africa (5) North America (6) South America Hêng awmna te hi khawvêl pui map en ula, chiang takin in hre thei ang An chanchin pawimawh zual deuh deuhthe chu kan la zir ang.

Tin, tui chu bung hrang lian pu' pui Ocean an tih pangaah then a ni bawk a Chûngte chu hêngte hi an ni— (1) Pacific Ocean (2) Atlantic Ocean (3) Indian Ocean (4) Arctic Ocean (5) Antarctic Ocean Hêng Ocean-te hi an inpawn vek a, an vaia huam vekin "World Ocean" an ti thîn. Khawvêl mapah ngun takin en ula, an awmna theuh in hre chiang thei ang

Continent zînga lian ber chu Asia a ni a, a tê ber chu Australia a ni Tin, Ocean zînga a zau ber chu Pacific Ocean a ni a, a tê ber chu Antarctic Ocean a ni

Khawvêl mapa kan en chuan khawmualpui Continent parukte chu kan hmu ang a, chûng bâkah chuan tuiinriatah thliarkâr awm kan hmu bawk ang. Thliarkar hi Sâp jawng chuan "Island"

an ti a British Isles te, Japan te, Ceylon te hi Island an ni Tin, tuifinriata ram inkhawh lût Italy te, Arabia te ang hi Peninsula an vuah a ni. Khawmual leh khawmual zawmtu ram ring rêk Panama ang te hi Isthmus an ti a ni

Tin, tuifinriat zau tak tak "Ocean" kan tih te hi bung hrang hranga then leh theih a ni a. Tuifinriat tling lo, tuipui tih tûr ang Arabian Sea te, Mediterranean Sea te hi Sea an vuah a Tin, khawmuala tuifinriat var deuh taka lût Bay of Bengal te ang hi Bay an vuah. Tin, chutianga tui lût thûk zâwk si, var lo zâwk deuh chi Persian Gulf te ang hi Gulf an ti thung a ni Tin, tuipui leh tuipui zawmtu tuipui ring, rêk chu Strait an vuah Strait aia zau zâwk deuh te chu Channel an ti thung a Khawvêl mapah Strait of Gibraltar te, English Channel te kan hmu thei ang.

Chutiang chuan khawvêl pumpui bi tui leh khawmual bung hrang hrangah then a ni tih khawvêl map kan en chuan kan hre chiang thei ang

I. ASIA

Asia hi khawmualpui zînga a lian ber a ni a, a zau zâwng chu, khawmual zâwng zâwng hmun thuma thena hmun khat a tling theih a ni East Indies thlarkâr tlêm tê tih loh chu Northern Hemisphere chhûngah a awm vek a ni Ram zau

tak a ni a, hmâr lamah Arctic Circle chhông vûr
 hmun atangin a intin a, chhim lamah chuan Equator
 a thleng theih a ni Chhak leh thleng zâwng
 chuan longitude 25° E leh 170° E inkâr a awm a
 A ram thenkhat lai chu tuinniat atarga mêl 1,500
 lîa hla te a ni

Asia chu khawmualpui zîga lian ber a ni
 ang bawkin mihring pawh khawmualpui zîngah
 chu an tamna ber a ni Mihring awm tamna
 berte chu India leh China-ah a ni a Asia ram
 hmun dangte an chuan mihring an bit bîk hle a ni
 khawvêla mihring awm zâwng zâwng hnun ngaa
 thena hmun khat chu India ramah an awm a,
 hnun ngaa thena hmun khat dîng chu Chinese an
 ni a. Tin, Japan leh East Indies mihring tam
 tak an awm vaw baw

Asia ram laih chhak leh thleng zâwngin
 Himalayas tlâng dung a inkhang ruah a Hemi
 tlâng hmâr lamparg leh chhim lampang chu climate
 a dîng hle a Chutiang bawkin mihring chêng
 pawh an danglam a Hmâr lampangah chuan
 Mongolians an awm a, chhim lamah chuan Indo-
 European-ho an awm a

Asia ramah hian khawvêla tlâng sâng ber te,
 hmun phai zai berte a awm a, tin, hmun vawt
 ber te, hmun lum ber te, ruahtui tamna ber te,
 hmun ro lai berte a awm baw a, mihring bitna
 ber lai te, mihring thâwlina ber lai te a awm baw

a ni Chuvângin "Continent of Extremes" an ti fo thîn Chu chu thil inkawkalh tak tak, a ber ve ve awmna ram tihna a ni

Kan sawi tâk ang khân Asia khawmualpui chu zau tak a ni a Ram bung hrang hrang leh sorkâr hrang hrang tam tak awmna ram a ni a Chûng zînga ram pawimawh zual zualte chu tlêm tlêm kan zir diat diat ang a India ram erawh chu kan ram a nih avângin chipchiar takin a chan-chin kan zir tawh a, sawi nawn leh a rgai tawh lo vang a Ram dang pawimawh zual deuh deuh kan hriat tûlte chu Burma te, Ceylon te, China te, leh Japan te hi an ni

Burma. Burma ram hi tûnhma lam chuan India rama tel thîn a ni a, kum 1937 atang khân tibhran a ni ta a Tin, 4th January, 1948-ah khân British sorkârin Independence a pe a, Union of Burma hmîng pui Republic sorkar a lo ni ta a ni A ram pumpui hi Sq miles 260,000 aia tam deuh hlek a ni a Kum 1941 chhiarpui ah khân mîhring 17,000,000 dân lai an awm a ni Burma hi India ram atanga kalpawhna rêl kawng te emaw a awm lo va Tlângdung sei tak takin a daidan a, tûn hnei lawkah chauh khan kawng tha pawh a awm a ni Chuvângin Burma hi India ram atang leh ram dang atarga kalpawhna chu tuifinriatah a ni ber thîn

Burma ram khawpui ber chu Rangoon a ni
 a Khaw tê tak tê atanga khawpui lian taka lo
 undin i ni a Sumdâwnna pawh a nasa ve êm êm
 a ni

Tin, khaw lian dang awm chhun chu Burma
 khawpui hlui Mandalay a ni A ram lui lian awm
 chhun chu Irrawaddy a ni Hei hi meilawng kal
 theihna a ni a, thil thiar vêl nâna tangkai her a ni.

Burma ram hi mihring an bit êm êm lo va
 A rima mi chngte chu Burmese an ni ber a
 Buddha sakhaw zui an ni Chi inthliarna te a
 ri lo va hmichhia leh mipa an dinhmun a inang
 reng a ni An chaw ber chu buh a ni a Buh hi
 an ram lo-va neih theih hmun 3-ah chuan an ching
 a ni

Indo pui II nra Japan-in a rawn rûn avâng
 khân khawpui pawimawh tak tak Rangoon te leh
 Mandalay te chuan a chhiatphah hle a, lei leh
 rêl kawngte pawh nasa taka tihchhiat a ni a.
 Sumdâwnna pawhin a tuarphah hle a ni

Ceylon Ceylon hi India chhim lama thliar-
 kêr lian tak a ni a A tîr takah chuan India ram
 nêna inawm ni âwm tak a ni Kawng tam takah
 inanna pawh an nei a ni Mysore State aia tê deuh
 hlek a ni a Sq miles 25,000-a zau a ni Mihring
 chu 7,000,000 vêl an awm a, a tam berte chu
 Sinhalese an ni a, Buddha sakhaw bia an ni a A
 hmâr lamah hian Tamils an awm a, Hindu sakhaw

bia an ni Kum 1947 atang khân British Commonwealth chhûngah mabnia ro inrêl ram “Dominion” a lo ni ve ta a ni

A ram chhûnga khaw hian ber leh a khaw-pui chu Colombo a ni a, lawng thlenna pawimawh tak a ni. Tin, khaw pawimawh dang chu Trincomali, lawng thlenna bawh a ni a, lawng sipu lam hmunpui a ni bawh

Ceylon ramah hian mihring tam lo hle mah sela, buh lam h pawh a intodelh theihna hawp a nei thei lo va, chhuângin ram dang atangin buh an lei fo thîn a An lema ber thîn chu Burma ram a ni

China China ram hi India ram tiat vêl a ni a, mihring tam zâwng pawh a inang vêl a ni, 450,000,000 lai an awm Chinese-ho hi Buddha zui emaw, Confucians emaw an ni ber a Hmun hrang hrangah tawng hrang hrang an awm a Ni-mahsela, Chinese tawng tih theih tawng khata siam tâlh an tum tiat a ni Kum 1912-ah khân Republic sorkârah an lo inrin a Japan nêan an indo fo thîn a Zawî zawun a lo chak telh telh a, sorkâr chak pâwl tak a lo ni ve ta hial a Kum 1950 atang khân Formosa thliarkâr tih loh chu Communist-hovin sorkârna changin an awp ta a ni A ram pumpui hi tlâng ram a ni deuh ber a A lui pawimawh zualte chu Hwang Ho leh Yangtze an

ni Hwang Ho hi len vak vak a ching a, a luanna te sawn thut thut a hmang bawh a, thil a tichhe nasa hle thin a, chuvangin "China Sorrow" an vuah a ni Chu chu "China lungngaihna" tihna a ni Yangtze hi thui tak lawng zawh theih a ni.

China rama thil chin pawimawh ber pawl chu la a ni a, thingpui pawh an ching bawh a. Tin, lo neituten buh te, thei te anmahni ei atan an ching bawh a China ram hi buhah an into-delh mang lo va, tam te pawh a tla fo thin Vawk sa hi an thil duhzawng tak a ni a, chuvangin vawk vulh an uar hle a, beram pawh an vulh tam hle maimaw puan an siam nasa hle a, khawvel pum-puia maimaw (silk) hman $\frac{1}{4}$ tûr lai hi China ram atanga chhuak a ni Tin, China ramah hian lung-alhthei laih chhuahna hmun tha tak tak a awm a, thir leh dâr lam pawh an lai chhuak bawh

China ram hi ram zau tak ni mah sela, ram dang nêna insumdawn tawna a nasa êm êm lo Tûn hma lam lehzual phei chuan ram dang nêna insumdawn tawn hi an duh lo tawp mai a, an insumdawn tawna tûrin lawng thlenna hmun then-khatte chauh chu hawn a ni thin a ni Indopui II hnu atang erawh kha chuan ram dang nêna insumdawn tawn hi an lo uar ta deuh deuh a ni.

China ram khawpui ber chu Peiping (Peking) a ni a Tin, Shanghai hi lawng thlenna pawimawh tak leh khawpui lian ber pakhat a ni Canton leh

Hongkong hı lawng thlenna pawımawh tak an nı bawk a. Hongkong hı Honglong thliarkâra awm a nı a, chu thliarkâr chu British ta a nı

Japan hı Asia hmâr chhak lama awm thliarkâr a nı a. Japan hming putu tak (Japan proper) chu thliarkâr palı a nı a “Japan” tih nı mah sela, anmahnu chuan “Nippon” an ti a Japan ram hı mahnia sorkâr nei hran an nı a, lal Mikado an tih chuan a awp a nı.

Japan ram pumpui deuhthaw hı tlâng ram a nı a, tlâng kâng pawb tam tak a awm a nı. Chũng zınga a hmingthang ber chu Fuji Yama a nı a, ft 12,000-a sâng a nı a, Japan-ho tlâng serh a nı Japan ramah lian lır a nghıng zıng êm êm a, lırnghıng avângın an tuar nasa hle a nı Kum 1923-a khawvêl lırnghıng râpthlak takah pheı kha chuan Japan rama khawpui ber Tokyo leh an lawng thlenna pawımawh leh lian ber pakhat Yokohama te chu lırnghıngın a tichhe vek deuhthaw a nı

Japan-ho hı Mongolian hnam zıngah chu an ı fıng ber an nı hial ang a, hma an sâwn nasa êm êm a nı Khawvêla sorkâr chak berte zıngah chhiar tel theihın an han awm a, lawng sipai pheı chu a nei tha ber pakhat an nı a Nimahsela, an duhamna rilrı avângın ram dang beia lâk an tum a, chutah hnehın an lo awm leh ta sı a, chuvângın ađ tuar ta a nı. Asia ram chhim leh chhak lam-pang zawng zawng hı neih vek a tum a, nimahsela,

Indopui II-ah khân Allied powers-in kum 1945-ah khân a hneh a, tûn thlengin chu chu an tuar phah ta a ni

Japan-ho hi an sakhaw biak chu Shintoism emaw, Buddhism emaw a ni a Thil siam lampang uar mi tak an ni a, thil chi tinrêng hi an siam ve tih tûr a ni Tin, tuihinnta vâk chhuak mi tak an ni a, sumdâwnna meilawng lian pawh tam tak an nei a ni An chaw bei chu buh a ni a, vheat te, barley te, thingpui te, vuhlo te an ching hawk a, thingpui pheî hi chu U S A-ah an thawn chhuak ve thîn Berâm leh kêl te an vulh ve a, tin, silk siam hi an hna pawimawh ber pikhat a ni Chulovah chuan puan lim te, sahmul puan te, lehkhâ te, hlum bel te, dathlaling te leh nawhlh te an siam bawk Japan ramah hian lungalhthet laih chhuahna tam tak a awm a, a pawimawh zualte chu Kyushue leh Hokkaido an ni. Dârsen te, tangkarua te, rangkacnak te, têt te, leh thîr te pawh an lai chhuak ve bawk Sangha mau hi Japan-ho hnathawh pawimawh ber pakhat a ni

Japan ram khawpui ber chu Tokyo a ni a, Khawvêla khawpui lian ber zînga chhiar tel theih a ni a, thil siamna hmun pawimawh tak a ni. Osaka hi thil siamna hmun pawimawh tak pakhat a ni a, lawng thlenna a ni bawk Kyoto te, Yokohama te, Kobe te, Nagoya te, Nagasaki te hi khaw lian leh pawimawh dangte chu an ni

Hiroshima hi lawng thlenna pawimawh tak a ni Indopui II tâwp dâwna America-hovin Atom bomb an thlâkna kha a ni a, chuvângin a hming a thang hle a ni

Asia ram bung pawimawh zual dangte , Kan sawi tawh ang khân Asia ram chu ram zau tak a nih avângin a ram bung hrang hrang chanchin chipchiar takin kan zir vek sêng lo vang a Kan zir tâk bâka pawimawh zual dang thenkhatte chu tlêm tlêm in an chanchin kan han chhui hlek dâwn a ni.

Siam (Thailand): Hei hi Burma chhim chhak lama awm a ni a. Burma ram aui a tê deuh a ni Khawpui lian ber leh pawimawh ber chu Bangkok a ni a, lawng thlenna pawimawh tak a ni bawk. Siamese-ho hi Buddha zui an ni a, an chaw rinpui ber chu buh a ni a, an thil thawn chbuh pawimawh ber a ni bawk

Malaya Hei hi Peninsula a ni a, tin leh thelrêt tam tak awmna ram a nih avângin a pawimawh hle a, chu chu a ram hausakna ber a ni Malays-ho chu Muslim an ni a, nimahsela, a ramah hian Chinese-ho leh India mite tam tak thelrêt phun leh sumdâwngin an awm a ni Khaw pawimawh ber pazhat chu Kuala Lumpur a ni a Singapore hi lawng thlenna hmun leh sumdâwnna hmun pawimawh tak a ni. Mihring maktaduai khat dâwn

lai an awm a Khawvêl puma lawng thlenna hmun pawimawh ber pakhat a ni Europe atanga Suez Canal leh Indian Ocean kal tlanga Pacific Ocean-a lût tûr lawngte rêng rêng chuan Singapore hi tlawh ziah a ni a Chuvângin thil thawn chhuah leh lâk luh lam thuah te, khawvêl pumpui insumdâwn tawna thua hmun pawimawh tak a ni Thlawh-theihna tum hmun pawimawh tak a ni baw

The East Indies Hei hi Asia leh Australia inkâr Equator vêla thliarkâr awmkhâwm a ni a A thliarkâr hian deuh deuh te chu Borneo leh Sumatra an ni a A pawimawh ber zâwk erawh chu Java a ni Java atang hian thelrêt te, chithlum te leh thingpui te an thawn chhuak thîn A khaw pawimawh ber leh lawng thlenna hmun ber chu Jakarta a ni Heng thliarkâr awmkhâwm hi sorkâr hranin an awm tawh a, Indonesia tia vuah an ni A khawpui chu Jakarta hi a ni

Borneo hmâr chhakah hian thliarkâr awm khâwm Philipp'ne Islands an tih chu a awm a. Hei hi tûn hma lam chuan U S A ta a ni a. Tûnah erawh chuan Independence an ni ve tawh a A khawpui ber chu Manila a ni a, lawng thlenna a ni a, hruizên siamah an hmingthang êm êm.

Arabia Arabia hi ram ro tak a ni a. Chuvângin lui tihlâk pawh a awm meuh lo Red Sea leh Persian Gulf kârchehin a awm a, Peninsula a ni a India tluk deuhthaw laia ram zau a

ni. A hmun tam zâwk chu thlalêr ram a ni a Khaw pawimawh leh hmingthang ber chu Meca a ni a Mosolman sakhaw dîn chhuaktu Mohamed-a pianna khua a ni Tûn thlengin an khaw thiang-hlim a nih avângin Mosolman-ho chuan tlawh an chák êm êm leh an tlawh huai huai thin a ni Arabian Sea kamah hian Aden khua a awm a, British ta a ni a. Lawng sipai hmun pawimawh tak a ni

Palestine: Palestine hi ram zîm tê a ni a Kristian-ho tân chuan ram thianghlim a ni a A khaw pakhat Bethlehem-ah chuan Isua Krista a piang a Tin, Jerusalem chu Juda-ho khaw thiang-hlim hmingthang tak a ni Palestine ram chhûngah hian Israel ram a awm a Sorkâr hran a ni a, a khawpui chu Tel Aviv a ni

II EUROPE

Europe hi Australia tih lovah chuan khaw-mualpui zînga a tê ber a ni, nimahsela, mihring bitna ber leh a pawimawh ber a ni A zauzâwng chu Sq miles 3,760,000 a ni A ram hi lian vak lo mah sela, khawmualpui dang zawng zawng ainn tuihinriat vaukam chu a nei sei a, tuihinriat atanga Itingsâwl (Bay leh Gulf) te a tam a Chuvângin Europe khawu lai mah hi tuihinriat atanga mêl 1,000 tlinga hla a awm lo a ni. A ram pumpui

hí North Temperate Zone chhûngah a awm tih theih a ní Longitude rín pawimawh tak 0° chu Greenwich khuá su tlangín a awm a ní

Kan sawí tawh ang khân Europe hí ram lian ní lo mah sela, rím bung hrang hrang leh sorkâr hrang hrang pawimawh tak tak awmna ram a ní a Chûng ram zînga a pawimawh zual deuh deuh te chu British Isles te, Germany te, France te, Italy te, Greece te, Switzerland te Russia te an ní a Hêng ram chanchin hí tawí tê tên kan zîr dâwn aní

The British Isles The British Isles hí thliarkâr lian tak tak pahnhí Great Britain leh Ireland leh thliarkâr dang tê tak te tê an ní a. Europe thlang lampang Atlantic Ocean-a awm a ní a Europe khawmualpui nêna an inkârah English Channel a awm a, a zauzâwng chu Sq miles 121,000 a ní

Great Britain chu ram bung hrang pathum England, Wales leh Scotland-ah then darh leh a ní a Nímahsela, kum 1603- aţangín hêng ram bung hrang pathumte hí lal pakhat hnuaiah sorkâr khatin an awm a, "Kumpinu sorkâr" Mizovin kan tih thîn hí a ní a, khawvêla sorkâr chak ber pakhat a ní a Tûn hma lam chuan hermí thliarkârah mai hian lal lovin ram lâk zau tak tak tam tak a nei a, khawvêla ram nei zau ber a ní thîn a ní. Tûnah crawh chuan a ram awp tam takte chuan mahma

ro inrêlna an neih tâk avângin a ram a lo zîm ta a nî

British Isles pumpuia mihring awm zât chu 53,000,000 an nî a. Heta mihring awm hmun sâwma thena hmun khat hî khawpuia chêng an nî Tûn hma lam kum 200 chhûng khân thil siamna lampang hî an uar nasa telh telh a, khawvêla thil siamtu pawimawh ber an nî hial a nî. An thil siam pawimawh ber pakhat chu puan lam thilte a nî a Hei hî Lancashire bial chhûngah Manchester-ah te leh khaw dangah te an siam ber a nî Thîr lam thilte an siam bawk a, hei hî chu lungalhthet laih chhuahna hmun bulah an siam deuh ber Sheffield hî kahpathîr thaa thil siam lamah a hmingthang hle Tin, Coventry, Birmingham leh Oxford te hî motor car siamah an hmingthang a nî

A ram chhûnga khaw pawimawh zualte chu hêngte hî an nî— London England rama Thames luikama awm a nî a, England khawpui a nî Khawvêla khawpui lian ber pakhat a nî Cambridge leh Oxford University awmna khawpui pawimawh tak an nî Liverpool Hei hî lawng thlenna hmun pawimawh leh lian tak a nî Edinburgh Hei hî Scotland ram khawpui a nî Glasgow Thil siamna hmun pawimawh tak a nî

Kum zabi sâwmpakuana chhông khân Britain hi khawvêla sumdâwngtu lian ber a ni a. Indopui I hma kha chuan khawvêl ram tin tih theihah a thil siamte chu a thawn chhuak a, lung-alhthei pawh tam tak a thawn chhuak a Tin, ram dang atangin an ei tûr chaw te leh ran chaw te leh thil siamna tûr la te, silk te, têt te leh thîr te a la lût thung thîn a ni Khawvêla lawng lian awm zawng zawng zâtve lai tûr chu British ta a ni a Chhông lawng chu hmangin ram dang bungruate pawh an phurh sak thîn a, phurh manah bungrua emaw, pawisa emaw te an la thîn a ni Indopui I a lo chhuah khân Britain chuan a thil siamte chu ram danga hralh leh thawn chhuah a lo harsat ta a Ram tam tak phei chuan anmah-nun siam an lo zir ve a Tin, Indopui II a lo chhuah khân an lawng tam tak an hloh va, ram danga sumdawnna tûra an pawisa hman thînte chu indona thilah hman ral a lo ni a Britain chuan an chaw ei tûr leh an thil siamna tûra bungrua an lâk luhte chu a man pe tûrin a thawhrim hle a lo ngai ta a Chhông atan chuan an thil siamte pawh chu an hmang ral ber ta a ni

Germany Europe ram lai hmâr lampang hi hun rei tak chu German fawng hmangho hnamin an lo luah thîn a. Kum za tam tak chu sorkâr ram brang hrangah an insiam a Chhông zînga lian

ber chu Prussia a ni a. He lai ram hi Germany an tih chu a ni ber a Kum 1871-ah Austria tih lob German tawng hmang dang zawng zawngte chu an inzawm khâwm a, German Empire an din a. Chutah chuan Prussia lai chu Emperor a lo ni a Tichuan German-hote chuan ram dangte an lâk belh zêl a, ram zau tak an lo nei ta a Indo-pui I tâwpah khân Germany chu Republic sorkâr a lo ni a Tin, an hotu Hitlera hovin Indopui II an tichhuak a Italy nên tangrualin ram tam tak an la a, nimahsela, a tâwpah chuan Allied Powers (tangrualho) chuan kum 1945-ah khân Germany chu an hneh leh ta si a An ram chu bung liah an then darh sak a, chhak lampang chu Russia in a awp a, hmâr thlang lampang British-in, chhim thlang lampang U S A -in, thlang lampang Frer ch hovin Chutiang chuan Germany chu then darh a lo ni ta a ni.

German ram hi Britain ang bawka thil siam lampang ti nasa tak an ni a, chuvângin sumdâwn-na thua Britain nên hian an inel ber rêng thîn a ni. Mihring 12,000,000 aia tam mah chu thil siamna hmuna thawk an ni rêng a Tin, an thil thawn chhuah zawng zawng hmun ngaa thena hmun li chu thil siam lam a ni Thîr leh kahpathîr lampang an tichhuak nasa hle a, lawng siam pawh an ti nasa viau va, la leh sahmul lama thil siamte pawh an ber nasa hle bawk a ni.

France ram hı thil laih chhuah lamah a hausa vak lo Lungalhthei laih chhuahna hmun hmâr lamah a nei a, thîr pawh tlêm azâwng chu an lai chhuak ve India nêh insumdâwn tawna tha tak an nei a, Britain leh U S A tih lovah chuan India rama thil thawn lût tam ber a nı An thil thawn chhuah berte chu thil siam lam a nıa. Thil siam tûr leh chaw lampang hı an la lût thung a nı

Italy Italy hı Mediterranean Sea-a khaw-mual inkhawh chhuak Peninsula a nı a. Mîhring ke ang deuh hmêl a pu a A kezungtang âwm zâwnah chuan Sicily thliarkâr a awm a nı Mîhring bitna tak ram a nı a Nîmahscla, a ram pumpui thu ngaihtuahin a hausa lo hle mai Chu-vâng chu a nı ang chu Indopui II hma khân ram hrang hranga an pêm chhuah thın nı

Italy ram hian an hruaitu Mussolini hovin Abyssinia te an bei a, an ram tihzau an tum a Hitlera nêna tangrualin Indopui II-ah khân an awm a. Kum 1944-ah Allied Powers te chuan an hneh ta a An lai chu a bâng a, Italy ram chu Republic sorkâr a lo nı ta a nı

A ram chhûnga khaw pawimawh deuh deuh-te chu hêngte hı an nı— **Rome** Rome khawpui ber a nı a In ropui tak tak awmna a nı a Roman Empire ropui laia an khawpui thın a nih awngin lung phun leh thil blui dang pawimawh

ak takte a awm a, a hmingthang hle Rome haw chhûngah hian Vatican State tê tak tê a awm a, chu chu Bûk In (Cathedral) hmingthang tak St Peter awmna a ni a Hetah hian Pope pawh a awm Naples Puan talina khâwl awmna hmun a ni Milan Silk te, puan te, leh sahmul puan lampang siamna hmun hmingthang tak a ni Florence Khawpui hlui hmingthang tak a ni a, a awmna lamah a hmingthang a ni

Sicily thlarkâr hi silk leh thei lamah a hmingthang a Tin, heni Sicily thlarkârah vêk hian tlâng kâng hmingthang tak Mt Etna a awm

Italy ram thil thawn chhuah ber chu silk te, thei te, thlu te, thelrit leh puan lam thilte a ni Tin, ei tûr lam leh thir te, la te, sahmul te an la lût thung a ni

Greece Greece hi tlâng ram a ni a, Europe chhim lama awm Balkan Peninsula chhim lam ber hi a ni Tlâng a tam êm avângin lova neih theih ram pawh a tlêm hle a, a ram hmun ngaa thena hmun kbat chauh lova neih theih a ni

Greece hi Europe leh Asia khawmualpui in-kâra awm a nih avângin hmân lai atangin ram pawimawh tak leh chanchin nei tak a ni ve fo thin Tûn hma kum 2,000 emaw, 3,000 emaw laiah kha chuan khawvêla hnam hmasâwn ber leh fîng ber an ni a An ram awp chuan Pers'a leh India ram

hi a han thleng hial a ni Tûn hma lama an khawpui bluete chu hmuh chhuah theihin a ram pumpuiab bian a la awm thluah a ni A khawpui ber chu Athens a ni a Kum 3,000 aia tam mih khaw hmingthang tak a ni tawh a ni.

Switzerland Switzerland hi mahnia ro inrêl Republic sorkar tê tak tê a ni a, Sq miles 16,000 chauhva zau a ni a, mihring pawh 4,500,000 chauh an awm Thenkhat chu German tawng hmung an ni a, thenkhat French, thenkhat Italian, thenkhat Romansh A ram pumpui jatvc lui hi tlang ram lova neih hleih theih loh a ni a, ram mawi tak a ni A ram chhûnga khaw pawimawh ber chu Geneva a ni a League of Nations hnunpui ber a ni thîn a, tûnah pawh hnain hrang hrangte labisk tawna hmun pawimawh tak a la ri reng fo a ni

U S S R (Russia) Indopui II hma kha chuan Russia hi Europe a ram zuu ber a ni thîn a Tin, an ram awp pawh British Empire tih lovah chuan a zau ber thîn a ni Kum 1917-ah khân a ramah mipui helna (Revolution) a lo awm a Tab chuan an lal "Tzar" chu a bâng a Chutichu n a ram thenkhat khatte chu Independence neun Republic sorkarah an lo indin ta a Chumi bâk la awmte chu U S S R. (Union of Soviet Socialist Republic) intun sorkâr khatah an lo awm ta a ni.

Soviet Republic hian danglamna riau a nei bik a. A ram leilung te, ngaw te, thil lah chhuah te, ransa te thil siamna te, thil lah chhuabna hmun te, leh rel kawngte chu mi mal ta ni lovin sorkâr ta vek a ni a. State tinin Council "Soviet" an tih chu an nei theuh va. Hui hi mipui thlan an ni a. Chumi lûah chuan President a awm a Tin, Union-ah chuan Supreme Soviet te, Council of Ministers te, President te an awm leh a. Ram dangh chuan Parliament-ah sorkârna chang pâwl an awm a. Opposition Party (Sorkâr sawsôltu pâwl) an awm lah hawk thîn a. Russia ramah erawh chuan pâwl khat chauh a awm a, chuvângin thu an nei êm êm a ni. Luna U S S R huam chin ram hi Sq miles 8,000,000 ai mahin a zau va, mihring pawh 200,000,000 lai an awm. Tûn lai tak hi chuan America nêh khawvêla sorkâr chak leh ropui ber pâwl an ni.

Russia ram khawpui ber chu Moscow a ni a, thil siamna hmun hian tak a ni. Khaw pawmawh zual dangte chu Leningrad te, Odessa te an ni.

Russia ram hian lui lawng hian zawh theih tam tak a nei a. Nimahsela, thlasakah an khang thîn avângin an tangkai êm êm lo. A lui hian ber chu Volga a ni. Tin, Dnieper luih hian turkuah hmingthang tak leh ropui tak an siam a ni. Russia ram hi U S A tih lovah chuan khawvêla tel nei

tam ber a ni Thil lah chhuah dang lungalhthei ilovah te pawh a hausa hle Tûn hnaiyah pheichuan thil siam lampangah hian hma an sâwn nasa hle a, mipui mi mir nun dân pawh a sâng sâwt hle An thil thawn chhuah ber thin chu savun lum (Fur) te, têt te, thing te, artui te, leh butter te a ni Tûn hnaiyah cawh chuan thil siam lampang tam tak an thawn chhuak ta

Europe ram bung hrang hrang leh khaw pawimawh dangte — **Scandinavia** Hei hi peninsula a ni a Ram bung hrang pahnih Norway leh Sweeden-a then a ni Norway khawpui chu Oslo a ni Tin, Sweeden khawpui chu Stockholm a ni **Denmark** Hei hi ram tê tak tê a ni a, peninsula leh thliarkâr engemaw zât awm khâwm a ni a, a khawpui ber chu Copenhagen a ni **Greenland** Hei hi thliarkâr hian tak a ni a, Denmark ta a ni a Ram vâwt tak, vûrin a khuh deuh vek ram tangkai lo tak a ni **Belgium** Ram tê tak tê a ni a. A khawpui ber chu Brussels a ni **Iberian Peninsula** Hei hi ram bung hrang pahnih Spain leh Portugal-a then a ni a Portugal khawpui chu Lisbon a ni a Tin, Spain khawpui chu Madrid a ni Tin, hemi ram chhûngah hian Mediterranean Sea kamah Gibraltar a awm a, khawvêla lawng thlenna pawimawh ber pakhat a ni **British** ta a ni.

III AUSTRALIA

Australia hi a bula thliarkâr New Guinea te, New Zealand te leh Tasmania te chhiar tel vek pawhin khawmualpui zînga tê ber a ni a Australia chauh phei chu Sq miles 3,000,000-a zau lek ni Tropic of Capricorn-in a su phel a, chu-ângin a hmâr lampang chu Tropical Zone-ah a awm a, a chhim lam chu Temperate Zone-ah a awm a ni Khawvêl ram dîngte nêh inhlât leh hrang taka a awm avângin tûu hma lam hun rei ak chhûng chu hriat mang loh leh hnufual takin in awm a ni

A ram pumpui thu ngaihtuahin Australia am hi thil laih chhuah lamah a hausa hle a, Rangkachak laih chhuahnâ hmun pawh tam tak a awm Chûng zînga a hmingthang ber chu Kalgoorlie a ni Atîra Australia rama mi tam tak pêm uhna chhan chu rangkachak laih chhuahna a awm âng hi a ni Rangkachak an laih chhuah zawh inu chuan lo neih lam an bei leh ta thung zâwk A ram chhûnga ram bung hrang pakhat New South Wales-ah chuan khawvêla tangkarua leh suan laih hhuahna lian ber a awm a ni Australia ramah bian hîr leh lungalhthei tam tak an lai chhuak bawk.

Australia rama thil to leh ransa lam te hi a danglam hle mai. A ram hi khawvêl ram dangte nêh inzawm lova rei tak awm hrang a nih avângin hîl to leh ransate hi an danglam riau bîk nia rin

a n1. Thing danglam bik tak pakhat chu Eucalyptus a n1 a, a thing hi sak tak a n1 a, tlumpi te pawhin an ei thei lo. Tin, ransa danglam bik takte chu kangaroo te, platypus te an n1 a Sava lian tak tak emu, kea kal chi an awm bawk.

Australia ram hi an hmuh chhuahna chu kum 300 vél a ni tawh a An hmuh chhuah tih chuan a rama chêng sate chu tlem tê an n1 a, an la mawl hle a, briamhreiah pawh lung briam te a n1 an hman. Chûnghote chu tûnah chuan an mang sawt hle a. Tûn laia an rama chêng berte chu Europe ram aţanga pêm lûtho leh an thlahte an n1. Mihring awm zawng zawng chu 8,000,000 qbaub an n1

Australia hi British Commonwealth of Nations-a tel ve Dominion pakhat a n1 a A ram pumpui hi State hrang hranga then darh a n1 a Chûng State-te chuan mahnia ro inrêlna tâwk fang an nei theuh a n1. A khawpui ber chu Canberra a n1.

Tin, an thil chin lâi deuh deuh te chu buh te, balbla te, fû te, leh thei te a n1 a A ram bung Victoria leh Tasmania-ah chuan apple thei an ching a, rain dangah an thawh chhuak bawk thip. Tin, hlobet hmun zau tak tak a awm a, chûngah chuan berâm te an vulh a. Chutichuan sabunul te, berâm sa te, savun te hêng an vulh

atang hian an nei a ni An thil thawn chhuah lă
deuh deuhte chu sahmul te, wheat leh chhangphut
te, rangkachak te, butter te a ni a. An lăk luh
ve thung erawh chu puan tah sa te, motor te,
khawl te, tēl te, damdawī chī brang brang tē, leh
thīr te a ni

A hmaa kan sawi tāk ang khān Australia
chu State brang branga then darh a ni a Chūng
zīng a lian ber chu Western Australia a ni a.
Tin, State dangte chu Northern Territory te, South
Australia te, Victoria te, New South Wales te,
Queensland te an ni Tasmania hī Australia chhīm
lawka thliarkār a ni a, Ceylon tiat vēla lian a ni

New Zealand Hei hī South Pacific Ocean-a
thliarkār pahnh lian pui pui awm dūn leh thliar-
kār tē deuhte chu an ni Sq miles 103,285-a zau
a ni British Commonwealth chhūnga mahnia ro
inrēlna nei ve dominion pakhat a ni Ram tē tak
tē a ni nain a pawimawh hle a nī New Zealand
berām te, sahmul te, butter te, leh cheese te chu
Europe ramīn an lei nasa êm êm a ni An butter
leh cheese phei chu a tha bik a, a to hle a ni
Hēng hī an thil thawn chhuah ber a ni rēng a nī.
An thil thawn chhuah leitu berte chu Great Bri-
tain a ni. A ram khawpui ber chu Wellington a
ni

Hawaiian Islands Hēng hī Pacific Ocean-a
thliarkār an ni a, U. S. A. ta ni a. A khawpui ber

chu Honolulu a nī He khawpui hī meilawng lian leh thlawhtheihna te tlawh leh chawlhna hmun pawimawh tak a nī Lakhuihthei tīnah an khung a, an thawa chhuak nasa hle a, chu chu an hming-thanna ber a nī.

Antarctica Hei hī chhīm tāwpa khawmual a nī a, A vawh êm avângin vûrin a khuh deuh vek a, engmah to lohna ram a nī Hemī ram hī an hmu Chiang deuh deuh va, thlawhtheihnain an tlawh thīn South Pole hī Amundsen-an kum 1911-ah khân a thleng hmasa ber a Chumī hnu-ah chuan kum 1912-ah Scott-a leh a hoten an zuk thleng leh a. Tin, a ram thenkhat hī New Zealand sorkârin a nei a, a then chu Britain-in, a then U. S A -in Tuifinriat sangha lian whale maana hmun a nī a. Norwegians leh British hoten an man ber thīn a nī

IV AFRICA

Africa hī Asia tih lovah chuan khawmualpui zīnga a lian ber a nī a, Sq miles 11,000,000 laia zau a nī. Europe aun a lêt thumin a lian a nī. A ram hī Equator-in a su phel phawk a, chuvângin a ram pumpui hī a lum hle. Hetianga Equator-in a out phel avâng hian a ram hmâr lam chu thlasik a, nih lain a cphim lamah nīpui a nī a, a chhīm lamah thlasik a nih lain a hmâr lamah nīpui a nī

ve thung a ni. A ram hi a lum êm avângin
hmun zau tak chu caluer a ni neho nghi a.
Sahara thlâlêr, a hmû lima avm phet chu zau
tak a ni a, khavvê thlîr zia ber a ni.

Asia ra chanchur len sô a hi Ihan Hi-
malaya tlâng avâra mihing a chum leh hmo
lama cheng an dunglun a kin sô a. Chut ang
dêh baw' chon Africa ra ché pash Sêr thlî-
ler chlam bô leh hmo Ihan cheng chu an dung-
lam hle a ni. A hmo leh ché huan Arab te leh
I xptan lôn cheng a t chhup lamh ve thung
chu n. Negro-ho m hmo tak tak an awm ve
thung a ni. Afu a-ah ban mihing an bit êm em
lo va, a chhâm lôn cheng berê chu mî ngoho
pen, lû an ni.

Hun rei tak chu Africa ram hi "Dark
Continent" vuah a ni thîn a, chu chu ram thim
ti na a ni. A ram chanchin hi miten an hiet tlem
êm avângin chutiang hring chu an vuah a ni.

Africa ram pum deuhthaw hi Europe hnam
brang brangten an awp a, nimahscla, tânah chuan
Negro-ho pashin hmo an sîv ta hle a, mahnia
ro miêl dan an thim sîv hle a ni.

South Africa ram tam zawk mah chu British
Demunion a ni a. "Union of South Africa" hi
an awp hi ram chu a ni. Hmo biâlê khaw paw-
mawh zual berê chu Johannesburg len Pieteria
an ni. He ite pashin hi thil lûb chhuah lampang

hmun pawimawh tak an nī Tin, Kimberley hī lunghlu laih chhuahna hmun pawimawh tak a nī Union of South Africa atanga thil thawn chhuah berte chu rangkachak leh sahmul a nī Tin, ram dang thil siam sa an la lût ve thung a nī

Africa ram bung hrang pawimawh zual dangte chu hêngte hī an nī

Algeria Hei hī France ram awp a nī a, France ram nên an insumdawn tawn ber a An thil thawn chhuah ber chu wine te, berâm te, wheat te, vaihlo te, leh thil laih chhuah lam thil te a nī

Egypt Hei hī mahnia ro inrel hran ve ngat ram a nī a India ram $\frac{1}{2}$ tiat a nī A ram hī a tam ber chu thlalêr a nī a A ramah hian lulpui hian tak Nile a luang tlang a, chu chuan a ram a tihnâwng a, an nunna bulpui ber a nī Chuvângin Nile kam vêl hī mī bitna ber a nī rêng a nī A khawpui chu Cairo a nī Khawpui pawimawh dang chu Alexandria a nī a, lawng thlenna pawimawh tak a nī

Egypt hī hmân lai atanga hnam fng takte lo chênna thîn a nī a Tûn hma lam kum 5,000 laiah te khân ram ropui tak a lo nī tawh thîn a. Chûng an ropui laia an thil sak hmingthang tak tak Pyramid leh thil dangte en tûrin mī tam tak an kal huai huai thîn.

Egypt ram chhônga awm thil pawimawh tak pikhat chu Suez Canal a ni a Egypt leh Sinai suih zawmtu thlalêr ram chu an lai chat a, Mediterranean Sea leh Red Sea chu Suez Canal hian a zawm a, mêl 100 vêla sei a ni He canal hi Suez Canal Company ta a ni thîn a, tûnah chuan Egypt sorkarin a nei ta a ni

V NORTH AMERICA

North America hi Asia leh Africa tih lovah chuan Continent hian ber a ni a Chumi awmzia chu Continent hian ber pathumna a ni Sq miles 8,000,000 dawn laia zau a ni Chhim leh hmâr zâwngin mêl 6,000 lu a ni A ram hi triangle ang deuh hlek a ni a Hmâr lam a arb a, chhim lamah a zum thla zêt a ni A hmâr lamah Arctic Circle-in a tan tlang a, a chhim lamah Tropic of Cancer in a tan tling bawk a ni

Atîr atanga North America-a mibring lo chêng reng thînte chu Red Skins-ho an ni a, American Indians an ti bawk thîn Sa pêl mi an ni ber a Phûl zau tak tak awmah te chuan an vak an vâk a, ramsa an kah hlumte chu chawah an ring ber a ni Mexico leh Central America-a chênggho Aztecs an tihte chu an fîng deuh hlek a, khawpui te pawh an s'am ve a North America hmâr lam hi a lo awm ve rêng thîn a ni tih chu

Norsemen-hovin rei tak atang khân an hre áwm e Nimahsela, America hmuh chhuah tih hin Columbus-an kum 1492 a West Indies thliarkâr te a hmuh chhuah kha tih a ni ber thîn Columbus-a chuan Europe atanga India rama kolnî tûr kawng thar a zawng a, West Indies a zuk thleng chu India ram khawî lai emaw a thleng ta emaw a ti nghe nghe a, nimahsela, America ram bul thliar-kar a lo ni zâwk a Columbus-a hnuah hin mi tam takin America hi hriat chian tumin an pan a, nimahsela, North America hin South America, rangkachak tam tak a awm avângin an pan ber zâwk a Nakinah chuan European theikhatte chu North America tuisinriat kam chhâk luma chuan an chêng a, awm hmun an khuar ta a Iierch mite chu a hmâr lamah an awm a, chuvângin tîi thlengin Quebec-ah te chuan French tawng hi an la hmang ber a English mite chu a chhim lun deuhvâh an awm a Hetia lo khawsa tite hin khawvêla Republic sorkâr lian ber pakhat United States of America an tih fo chu an lo din ta a ni, U S. A chu kum 1776 atang khân England sorkâr atangin a indang a, sorkâr hran hlu hluvin a lo ding ta a ni

North America hmâr lamah hin Canada ram a awm a, British Commonwealth chhâk a Dominion pawimawb ber pakhat a ni Iia U S A

chu Canada chhinh hian a inzâr pharh ve thung a Tin, Central America chu North America leh South America ziwntu ram a ni a Republic sorkâr hrang hrang parukah then darh a ni West Indies-a thliarkâr hian ber Cuba chu Republic sorkâr a ni bawk a Huti thliarkâr chu Negro Republic sorkâr pahnhah then darh a ni a Jamaica leh thliarkâr tû tû thenkhatte chu British Commonwealth ta a ni Tin, Mexico chu Republic sorkâr hran a ni

Canada Tûn hma lam kum 200 lai tawbah kha chuan Canada hi American Indian-ho tlêm tên Canada ram hi an lush a Chhak lampangah chuan France-ho leh British-hoten ram an nei a Canada ram pumpui hi India ram lêt hnh lăa zau a ni a Mihring erawh chu an tlêm hle thîn a, tûn hnaijah khân Canada ram hi a lo thang chak ta hle a, mihring pawh 12,500,000 lai an lo awm ta a ni Chûng vînga 100,000 chauh chu American Indians an ni a, a dang chu mi ngoho British te, French te leh a rama pêm lût dangteho thlah an ni

Canada ram khawpui ber chu Ottawa a ni a, lehkha siamna hmunpui tak a ni Tin, Montreal hi sumdâwnna leh thil siamna hmun pawmawh tak pakhat a ni leh a Quebec hi savun leh puan lam thil siamna hmun a ni Toronto leh

Hamilton hi thil siamna hmun pawimawh dng an ni leh a Tn hnai lawk atang khn Canada ram hi thil siamna lamah hma an swn em em a ni Chutichuan khawvel ram pumpui thlr pawhin thil siamna lam thuah chuan ram pawimawh parukte znga pakhat a ni ve ta A thil thawn chhuahte chu thil siam tr (raw materials) leh thil siam sa lampng a ni ber a Chng znga a ltr deuh deuhthe chu wheat te, chhangphut te, thr te, thng te, rangkachak te, sa te, sangha te a ni ber An thil siam lei tam bertute chu Great Britain leh U.S.A an ni Tin, an thl mamawh zwnng an lei ve thungna pawh hng ram pahhte bawh hi an ni

Canada ramah hian thil laih chhuah pawimawh tak tak darsen te, tangkarua te, suan te, zinc te, leh rangkachak te a tam a ni Sudbury hi nickel leh darsen lam laih chhuahna hmun a ni, Tin, Lake Superior bulah hian thr an lai chhuak a, Cobalt bulah lungalhthei an lai chhuak bawh Tin, Canada ramah hian ran an vulh nasa hle a, artui leh butter te an tichhuak nasa em em a ni

THE UNITED STATES OF AMERICA

United States of America (U S A) hi Republic sorkr ropui ber pakhat a ni a Kum 1776-ahr

khân British sorkâr atang a a inding a, sorkâr hnanah an lo indin ta a ni. A len zangah chuan Canada tiat vêl a ni a. Temperate Zone ah a awm vek tih thuch a ni. Mihing 170,000 000 vêl an awm a. Chumi zinga 3,0,000 chu American Indians an ni a, 15,000,000 chu Negro-ho, Africa ram atanga sala an rawn lik lubte thlah an ni. A dang zang erawh chu mingohô Europe ram atanga lo peni lutte an ni. U S A -ah hian lung-alhth i te, têt te, thit chi hiang hiangte an lai chhuak nasa hle. Rim a zau baw k a, khawvêla huan huan ber pikhat a ni.

U S A -a khaw pawimawh zual deuh deuhte chu hêngte hi an ni— **Washington** Hei bi a khawpui ber a ni a. President George Washington-an U S A a indan him hlawt kum 1776-ah khân khawpui atâna a thlan a ni a, khawpui maw tak a ni. **Boston** Sahmul zawrhna hmun pawimawh tak a ni a. Pheikhawk siamna hmunpui a ni baw k. **New York** Khawvêla khawpui lian ber pakhat London nena inel tham khawpa lian a ni. Lawng thlenna pawimawh tik a ni baw k. **Pittsburgh** Thir lam siamna hmun pawimawh tak leh lungalhthei laih chhuahna hmun a ni. **New Orleans** Thil thawn chhuahna khaw pawimawh tak a ni. Khawpui pawimawh zual dangte chu San Francisco te, St Louis te, Detroit te an ni. Detroit hi U S A -a khaw lian ber palina a ni. Motor Car siamna hmunpui a ni.

U.S A.-ah hian lui pawimawh tak Mississippi a awm a, a pêng Missouri nêna inzawm chuan khawvêla lui sei ber an ni a, a hmingthang êm êm a ni.

Tin, kan sawi tâk ang khân U S A chu ram zau tak leh ram hausa tak a ni a, engkimah mahnî a intodelh tih theih a ni Chutiang chu a nih avâng'n khawvêl ram dang nên insumdâwn tawna a nei nasa êm êm a ni An thil thawn chhuah berte chu thil chin lam leh thil siam sate a ni. Chûng zînga a pawimawh zual deuh berte chu la hûm leh têl a ni a, chu chu Great Britain, Canada, France, Germany leh Japan ramah te an thawn chhuak ber a ni Tin, khawl lam leh motor car te an thawn chhuak nasa ble bawk a ni India nên pawh insumdâwn tawna an nei tha ble. India ramîn U.S A.-a a thil thawn luhte chu savun te, thlai chi te, thingpui te, mosola te, leh thil laih chhuah thenkhatte a ni Tin, U S A atangin thil sia n sa khâwl leh motor car leh têl te India ramah an thawn chhuak bawk a ni U S A -in ram dang atanga thil a lâklulte chu fû te, coffee te, thelrêt te, maimaw te, jute te a ni

VI SOUTH AMERICA

South America hi ram zau tak a ni a, Sq miles 7,000,000 lai a ni Tropic of Capricorn leh

Equator-in a su tlang a, North America nên an inzawmna chu ram ring rêk zîm tê Isthmus of Panama a nî a Hei hî laih tlang a nî tawh nghe nghe a, chu chu "Panama Canal" an vuah. Chu-vângin South America hî thliarkâr tih mai tûr a nî

Atîr taka a rama lo chêng sate chu American Indian-ho an nî Chûng mite chu tân thleng hian an la fîng lo hle a, Amazon lukam ngawah te an chêng a Tûna South America-a hnam fîng tak tak awmte hî chu Portuguese leh Spanish-hote a rama lo pêm lût a, Indian-hote nêna inneih pawlh tate thlahho an nî ber Chutichuan an tawng hman lâi ber pawh Spanish tawng a nî a, Brazil bialah erawh chuan Portuguese tawng an hmang a nî

Hun rei tak chhûng chu Brazil bial hî Portugal tâ a nî a, tânah erawh chuan South America ram chhûnga ram bung hrang hrangte chu Independent sorkâr an lo nî ve ta deuh vek a A ram pumpui thu ngaihtuahin South America-ah hian mîhring an thâwl hle a nî South America-a lui pakhat Amazon chu khawvéla lui lian ber a nî

South America-a ram bung hrang hrangte zînga a pawimawh zual deuh chu hêngte hî an nî—Brazil Hei hî ram bung hrang zînga a lian ber a nî A khawpui chu Rio-de-Janeiro a nî Khawpui mawî tak leh lawng thlenna a nî Brazil atang hian coffee leh la hûm tam tak an thawn chhuak a nî

Argentine Hei hi ram bung hrang zînga a hmasâwn sâwt pâwl tak a nî Khawvêla buh tamna ber pakhat a nî Hemi biala khaw pawimawh ber chu Buenos Aires a nî South America-a khaw lian ber a nî **Paraguay** Hei hi ram tê tak tê a nî a A khawpui chu Asuncion a nî **Peru** Hei hi a khawpui chu Lima a nî **Ecuador** Hei hi a khawpui chu Quito a nî **Colombia** Hei hi têt lam thil awmna bial a nî A khawpui chu Bogota a nî **Venezuela** Hemi bial hi têt laih chhuahna khur awmna hmun a nî A khawpui chu Caracas a nî. **Guiana** Ram hmasâwn vak a nî lo va, rangkachak leh lungflu te an lai chhuak A khawpui chu Georgetown a nî **Trinidad** Hei hi thliarkâr tê tak tê a nî a Lungalhthei laih chhuahna tha tak tak a nei **British**-ho tâ a nî **Uruguay** Hei hi Republic sorkâr tê tak tê a nî A khawpui chu Montevideo a nî Lawng thlenna a nî **Chile** : Hei hi ram dung sei êt êt a nî a A khawpui chu Santiago a nî **Bolivia** Hei hi ram zau tâwk tak chu a nî a , nîmhâsela, a hnu-fual hle a nî A mî chêngte chu atîr atanga awm Indian mite an nî. Thil laih chhuah tîn leh tangkarua lamah a hausa hle. An tîn laih chhuahna hmun chu Oruro a nî a Khawvêl pumpuia tîn laih chhuah hmun lia thena hmun khat lai chu Bolivia rama laih chhuah hi a nî